



**ENTI RREGULLATOR I ENERGJISË
BORDI**

VENDIM

Nr. 224, Datë 20.12.2019

MBI

**MOSFILLIMIN E PROCEDURËS, PËR RINOVIMIN E LICENCËS SË SHOQËRISË
“POWER ELEKTRIK SLABINJË” SH.P.K, NË VEPRIMTARINË E FURNIZIMIT
TË ENERGJISË ELEKTRIKE TË KLIENTËVE TË KUALIFIKUAR NR. 266, SERIA
FK15, DHËNË ME VENDIM TË BORDIT TË KOMISIONERVE, NR. 18, DATË
11.02.2015.**

Në mbështetje të neneve 16; 37 pika 2 gërma “ç” të Ligjit nr. 43/2015 “Për Sektorin e Energjisë Elektrike”, i ndryshuar; neneve 4, pika 1, gërma “d”; 5, pika 1, gërma “d”; 10, pikat 1 dhe 3, dhe nenit 16 të “Rregullores për procedurat dhe afatet për dhënien, modifikimin, transferimin, rinovimin ose heqjen e licensave në sektorin e energjisë elektrike”, të miratuar me vendimin e bordit të ERE-s Nr. 109, datë 29.06.2016 dhe nenit 19, pika 1, gërma “a” të “Rregullores për organizimin, funksionimin dhe procedurat e ERE-s”, miratuar me vendimin nr. 96, datë 17.06.2016, bordi i ERE-s, në mbledhjen e tij të datës 20.12.2019, mbasi shqyrtoi relacionin me nr.119/11 prot, datë 18.12.2019, të përgatitur nga Drejtoria e Licencimit, Autorizimeve dhe Mbikqyrjes mbi kërkesën e shoqërisë “Power Elektrik Slabinjë” sh.p.k., për rinovim licence në veprimtarinë e furnizimit të energjisë elektrike,

Konstatoi se:

- Shoqëria “Power Elektrik Slabinjë” sh.p.k., me shkresën e protokolluar në ERE me nr. 742/1, datë 10.12.2019, ka aplikuar për rinovimin e licencës në veprimtarinë e Furnizimit të Energjisë Elektrike për Klient të Kualifikuar.
- Ligji 9072, datë 22.05.2003“Për Sektorin e Energjisë Elektrike”, është ndryshuar me Ligjin Nr. 43/2015 “Për Sektorin e Energjisë Elektrike”, i ndryshua. Si rrjedhojë e këtij shfuqizimi, gërma “ç”(furnizimi i energjisë elektrike), e nenit 37 e ligjit nr. 43/2015 “Për Sektorin e Energjisë Elektrike”,i ndryshuar, është kategoria e aktivitetit për të cilin një subjekt i licencuar më herët në veprimtarinë e furnizimit për klientet e kualifikuar, mund të aplikojë për rinovimin e licencës në këtë aktivitet.
- Kjo shoqëri është një subjekt tregtar i krijuar si detyrim i Kontratës Koncesionare nr. 2326 Rep dhe nr. 669 Kol, datë 11.04.2008, lidhur ndërmjet Ministrisë së Ekonomisë, Tregtisë, Energjisë me cilësinë e Autoritetit Kontraktues dhe shoqërisë “LNK” sh.p.k, me cilësinë e Koncesionarit për ndërtimin e HEC-it Slabinja, mbi lumin Shkumbin

dhe është rregjistruar konform Ligjit nr. 9723, datë 03.05.2007 “Për Qendrën Kombëtare të Rregjistrimit”. Objekt i veprimtarisë së saj është: Projektim, zbatim, ndërtim, shfrytëzim, transferim tek Autoriteti Kontraktues i HEC-it Slabinj. Prodhim energjie, tregtim të energjisë elektrike dhe furnizimit të energjisë elektrike për klient të kualifikuar.

- Shoqëria “Power Elektrik Slabinjë” sh.p.k., është mbajtëse e licencës me nr.266, Seria FK15, në veprimtarinë e furnizimit të energjisë elektrike të Klientit Kualifikuar, dhënë me vendim të bordit të ERE-s, Nr. 18, datë 11.02.2015, me afat 5 vjeçar.
- Në bazë të nenit 16, pika 1 të “Rregullores për procedurat e licensimit, modifikimit, transferimit të plotë/të pjesshëm dhe rinovimit të licensave”, theksohet se paraqitja e kërkesës për rinovimin e licencës nga aplikanti bëhet: (Jo më vonë se 2 muaj para përfundimit të kohëzgjatjes së vlefshmërisë së licencës së dhënë, personi mund/duhet të kërkojë në ERE rinovimin e licencës). Për sa cituar vlefshmëria e licencës së shoqërisë “Power Elektrik Slabinjë” sh.p.k., në veprimtarinë e furnizimit të energjisë elektrike, përfundon në datën 11.02.2020, për rrjedhojë shoqëria ka aplikuar brenda afatit që parashikon rregullorja e licensimit, për rinovimin e licencës.
- Aplikimi i shoqërisë “Power Elektrik Slabinjë” sh.p.k. nuk plotëson kërkesat e parashikuara nga ERE në “Rregulloren për procedurat dhe afatet për dhënie, modifikim, transferim, rinovim ose heqjen e licensave në sektorin e energjisë elektrike” si më poshtë:
 - **Formati dhe dokumentacioni për aplikim** (neni 9, pika 1) është paraqitur dhe plotësuar në mënyrë korrekte.
 - **Dokumentacioni juridik, administrativ dhe pronësor** (neni 9, pika 2) është plotësuar pjesërisht.

Gërma “d”, Shoqëria nuk ka depozituar në dosjen e aplikimit vërtetimin e Prokurorisë pranë Gjykatës së Shkallës së Parë, Tiranë, për administratorin dhe për subjektin, dhe as vërtetimin pranë Gjykatës së Shkallës së Parë për subjektin.
 - **Dokumentacioni financiar dhe fiskal** (neni 9, pika 3), është plotësuar pjesërisht.

Gërma “a” (vërtetimi për shlyerjen e tatim-taksave), Pa plotësuar.
Gërma “c” (dokumenta që vërtetojnë aftësinë ose mbështetjen financiare të aplikuesit), (Administratori deklaron se për aktivitetin do të bëjë vetë financim, mbështetur në shitjen e energjisë së prodhuar nga vetë HEC-i Slabinje 1, po pa specifikuar shumën që vë në dispozicion për këtë aktivitet). Plotësuar pjesërisht.
Gërma “d” (vërtetimin e pagesës së rregjistrimit për aplikim në llogari të ERE-s). Shoqëria “Power Elektrik Slabinjë” sh.p.k., nuk ka kryer pagesën e regjistrimit për këtë aplikim. Pa plotësuar.
 - **Dokumentacioni teknik për veprimtarinë e furnizimit të energjisë elektrike** (neni 9, pika 4.7).

Gërma “a” (të dhëna për sigurimin e energjisë elektrike për furnizimin e klientëve, subjekti, central prodhues, sasia e energjisë kontraktuar, në GWh sipas viteve); Pa plotësuar.

Gërma “b” (kapitali financiar i parashikuar për ushtrimin e kësaj veprimtarie); Pa plotësuar.

Gërma “c” (Lista e kontratave aktuale dhe të mëparshme, për blerjen dhe sigurimin e energjise elektrike); Pa plotësuar.

Gërma “d” (informacion i detajuar tekniko-financiar, lidhur me përmbushjen e këtyre kontratave); Pa plotësuar.

Gërma “e”, (Sistemin IT); Pa plotësuar.

Gërma “f”, (Lista e anëtarëve të Këshillit Mbikëqyrës); Pa plotësuar.

➤ **Të dhëna për klientët dhe energjinë e furnizuar** (neni 9, pika 4.7.1).

Gërma “a” (kategoritë, nënkategoritë, numri i konsumatorëve, sasia e energjisë në GWh në vitet I, II, III, IV dhe V, lidhja në Un, Fuqia e instaluar e konsumatorëve, aktiviteti (familjarë, buxhetorë, privatë); Pa plotësuar.

Gërma “b” (Niveli i tensionit dhe mënyra e realizimit të matjes për klientët); Pa plotësuar.

Gërma “c” (kapitali financiar i (shprehur në vlera monetare), i parashikuar për ushtrimin e kësaj veprimtarie); Pa plotësuar.

➤ Shoqëria “Power Elektrik Slabinjë” sh.p.k., nuk ka kryer në mënyrë të rregullt pagesat e rregullimit dhe as pagesën e aplikimit për rinovimin e licencës.

➤ Në bazë të nenit 16, pika 7 të “Rregullores për procedurat dhe afatet për dhënien, modifikimin, transferimin, rinovimin ose heqjen e licensave në sektorin e energjisë elektrike”, parashikohet se kusht për marrjen e vendimit për rinovimin e licencës, është që aplikanti të ketë kryer pagesat e rregullimit në ERE. Mosplotësimi i këtij kushti përbën shkak për sanksionim sipas parashikimeve të nenit 5 të rregullores “Për vendosjen e Gjobjave dhe Kushtet e lehtësimit prej tyre”.

Për gjithë sa më sipër, bordi i ERE-s,

Vendosi:

1. Mosfillimin e procedurës, për rinovimin e licencës së shoqërisë “Power Elektrik Slabinjë” sh.p.k, në veprimtarinë e furnizimit të energjisë elektrike të klientëve të kualifikuar nr. 266, Seria FK15, dhënë me vendim të Bordit të Komisionerve, Nr. 18, datë 11.02.2015, me afat 5 vjeçar”.
2. Drejtoria e Licencimit, Autorizimeve dhe Mbikqyrjes të njoftojë aplikuesin për vendimin e bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI
Petrit AHMETI